



## Kuba akcija iz Sarajeva

4. april 2023. - 13. april 2023.  
10 dana - 7 noći

“ Kuba je ostrvo na kome je vrijeme stalo, koje je bogatom historijom, nasmijanim ljudima, pješčanim plažama i bujnim zelenilom. Egzotično putovanje u Centralnu Ameriku nikada nije bilo bliže i lakše sa nasmijanim plemenom.

Pored tirkiznog mora i bijelih pješčanih plaža Varadera, posjetit ćemo i Vinales, upoznati se sa tradicionalnim vrijednostima Kube i piti kafu i pušiti tompus u lokalnim šarenim kućama.

Vožnja oldtimera nam omogućava da zađemo u svaki kraj Havane, dok nam kosa leprša na vjetru a zvuci salse odzvanjaju u ušima.

Upoznajemo se sa životim slavnog pisca Ernesta Hemingverja, ispijamo mojito i isprobavamo egzotično voće u našim *casas particulares*, upoznavajući se sa pravim kubanskim životom.

U saradnji sa Turkish Airlines-om.

U cijenu aranžmana uključen izlet - Obilazak Centralne Havane.

”



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007

MB:

Broj licence:

Tekući račun:

Telefon: 033 552-552

E-mail: kontakt@jungletribe.ba

Sajt: www.jungletribe.ba

## Plan i program

### Dan 1: Okupljanje na aerodromu

Okupljanje grupe na međunarodnom aerodromu u Sarajevu dva sata prije leta. Let za Istanbul u večernjim satima. Dolazak u Istanbul i konekcija na let za Havanu.

#### Prevoz

Avio karta sa svim taksama na relaciji Sarajevo - Istanbul, u ekonomskoj klasi sa 23 kg čekiranog i 7 kg ručnog prtljaga

#### Mesto

Sarajevo, Istanbul

### Dan 2: Dolazak u Havanu i slobodno vrijeme

Konekcija na let za Havanu. Dolazak u Havanu u jutarnjim satima. Transfer sa aerodroma do smještaja. Slobodno vrijeme. **Noćenje.**

#### Prevoz

Avio karta sa svim taksama na relaciji Istanbul - Havana, u ekonomskoj klasi sa 23 kg čekiranog i 7 kg ručnog prtljaga

Transfer od aerodroma do smještaja

#### Smeštaj

Casas particulares (1 noć)

#### Mesto

Havana

### Dan 3: Fakultativni izlet - obilazak Stare Havane i vožnja kabrioletima

Danas obilazimo grad kroz fakultativni izlet Staru Havanu, Kapitolio, pet glavnih trgova u Staroj Havani, ulicu Obispo- glavnu šetališnu zonu, Central Park gde se skupljaju lokalci da pričaju o bejzbolu, šetalište Prado glavno mjesto okupljanja lokalnih umjetnika... Fakultativni izlet obilazak grada šarenim kabrioletima - obilazak Trga Revolucije gde se kroz priču vraćamo u dane Kubanske revolucije! Naveče se šetamo po Malekonu, šetalištu uz more, družimo se sa Kubancima, a možda ponekad i zaplešemo! **Noćenje.**

#### Smeštaj

Casas particulares (1 noć)

#### Mesto

Havana

#### Fakultativni izleti

Obilazak stare Havane i vožnja kabrioletima

### Dan 4: Fakultativni izlet - Las Terrazas

Fakultativni izlet Las Terrazas. Ovaj fakultativni izlet započinjemo vožnjom do provincije Pinar del Rio u kojoj se nalazi i mjesto Las Terrazas. Las Terrazas predstavlja jedno od prirodnih ljepota Kube, a UNESCO ga je 1985. godine proglasio rezervatom biosfere. Dolazak u Las Terrazas je poput ulaska u intenzitet divnih divljih mjesta gdje ljudi i priroda postaju jedno. Po dolasku očekuje nas koktel dobrodošlice na imanju Kuruhej (Rancho Curujey). Nakon toga slijedi posjeta plantaži kafe Buenavista, djelimično obnovljenoj farmi iz 19. vijeka gdje imamo priliku da naučimo više o historiji uzgoja kafe. Pješačkom turom glavnim ulicama zajednice stupamo u kontakt sa toplim i gostoljubivim mještanima, a poslije ručka očekuje nas vrijeme za kupanje u kristalno čistim vodama rijeke San Huan okružene zimzelenim šumama. Povratak u smještaj. **Noćenje.**

#### Smeštaj

Casas particulares (1 noć)

#### Mesto

Las Terrazas

#### Fakultativni izleti

Las Terrazas

### Dan 5: Fakultativni izlet - Varadero

Fakultativni odlazak u Varadero. Varadero je jedno od najpoznatijih ljetovališta u ovom dijelu svijeta. Prelijepa plaža duga 20 km, mir i tišina, apsolutni odmor na Karibima! Za one koji bi radije ostali u Havani dan mogu provesti na plaži Santa Maria. Povratak u Havanu. **Noćenje.**

#### Smeštaj

Casas particulares (1 noć)

#### Mesto

Varadero

#### Fakultativni izleti

Varadero



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

#### Dan 6: Fakultativni izlet - obilazak kuće Ernesta Hemingveja i Playas del Este (Santa Maria)

Fakultativni izlet - obilazak kuće u kojoj je živio Ernest Hemingvej i odlazak na plažu Santa Maria. Na ovom izletu dobit ćete potpunu sliku o cjelokupnom životu čuvenog pisca, saznat ćete zašto je on odlučio da provede veliki dio svog života u okolini Havane, vidjet ćete njegove lične predmete i čuti o njegovoj tragičnoj smrti. Nakon ovog obilaska idemo na plažu Santa Maria, jednu od plaža koje se nalaze na 15km od Havane. Uživamo u tirkiznom moru, ležimo ispod palmi na bijelom pijesku i slušamo muziku lokalnih muzičara. Povratak u Havanu. **Noćenje.**

##### Smeštaj

Casas particulares (1 noć)

##### Fakultativni izleti

Hemingwayeva kuća i Playas del Este (Santa Maria)

#### Dan 7: Fakultativni izlet - Guama - Caleta Buena

Fakultativni izlet - odlazimo do očaravajućeg parka prirode Zapata i za početak zaustavljamo se na farmi Fiesta Campesina gdje uživamo u divljini Kube. Nastavljamo putovanje do La Boce gdje posjećujemo farmu krokodila i slobodno vrijeme koristimo za kupovinu suvenira i ispijanju koktela. Vožnjom motornim čamcem do obližnjeg sela nastavljamo turu do prirodnog bazena Caleta Buena gdje nas očekuje ručak i otvoreni bar. Slobodno vrijeme možemo iskoristiti za ronjenje i uživanje u kubanskom ljetu. Povratak u Havanu.

**Noćenje.**

##### Smeštaj

Casas particulares (1 noć)

##### Fakultativni izleti

Guama-Caleta Buena

#### Dan 8: Fakultativni izlet - Vinales

Fakultativni izlet- *Vinales*, ruralni predjeli Kube. Obilazimo plantaže duhana i šećerne trske, sušare duhana, zatim odlazimo u kuću jedne porodice koja živi u ovom selu, gdje nam naš domaćin pokazuje na koji način se prave kubanske cigare, a domaćica sprema kafu od upravo ubranih zrna u okolini. Nakon ručka u lokalnom seoskom restoranu idemo u obilazak Indijanske pećine u oblasti koja je pod zaštitom UNESCO-a zato što ovakve stijene postoje samo ovdje i na još par mjesta u svijetu. Kroz pećinu prvo malo pješačimo, a zatim se ukrcavamo u čamac koji nas vozi po rijeci unutar pećine i nakon vožnje izvozi iz nje. Večernji povratak u Havanu. **Noćenje.**

##### Smeštaj

Casas particulares (1 noć)

##### Mesto

Vinales

##### Fakultativni izleti

Vinales

#### Dan 9: Napuštanje smještaja i povratak

Napuštanje smještaja u ranim jutarnjim satima i transfer do aerodroma. Let za Istanbul.

##### Prevoz

Transfer od smještaja do aerodroma

Avio karta sa svim taksama na relaciji Havana - Istanbul, u ekonomskoj klasi sa 23 kg čekiranog i 7 kg ručnog prtljaga

##### Mesto

Havana

#### Dan 10: Dolazak u Sarajevo

Dolazak u Istanbul u jutarnjim satima. Konekcija na let za Sarajevo. Dolazak u Sarajevo. Vraćamo se sa ovog nevjerojatnog puta, dok u glavi i dalje čujemo zvuke regetona, a noge nam same zaigraju na ritam salse. **Kraj putovanja!**

##### Prevoz

Avio karta sa svim taksama na relaciji Istanbul - Sarajevo, u ekonomskoj klasi sa 23 kg čekiranog i 7 kg ručnog prtljaga

##### Mesto

Istanbul, Sarajevo

#### Cene i uslovi

Smještaj

### Smještaj u casa particulares (privatne sobe) u Havani

Šta je uključeno

- Organizovan prevoz
- Sve transfere prema planu i programu putovanja
- Avio karta sa svim taksama na relaciji Sarajevo-Havana-Sarajevo, u ekonomskoj klasi
- Kompletna organizacija i usluge predstavnika agencije na destinaciji
- Smještaj u casa particulares (privatne sobe) na bazi 7 noćenja u Havani (dvokrevetne i trokrevetne sobe)

Regularna cena

**2.650,00** BAM

First minute cijena

Vrijedi za prijave do 10.03.2023. godine

**2.450,00** BAM

Happy Month Cijena

Vrijedi za prijave do 28.02.2023. godine

**2.250,00** BAM

#### Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Fakultativne izlete i ulaznice za kulturno historijske spomenike
- Viza za Kubu (može osigurati agencija; BH državljani vade turističku karticu (120,00 KM po osobi))

**Uslovi plaćanja:** Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnici ili uplatu na transakcijski račun agencije.

Prilikom prijavljivanja plaća se avans u iznosu od 400 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnici karticom - jednokratno ili shopping karticom na rate.

**Prijavlivanje:** Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

#### Fakultativni izleti

##### Obilazak stare Havane i vožnja kabrioletima

Cijena: 35,00 EUR

Obilazak ćemo započeti od Stare Havane. Krećemo od parka Central, park poznat po statui kubanskog nacionalnog heroja Hose Martija i kao mjesto okupljanja lokalaca. Pješke ćemo obići čitavu Staru Havanu, uključujući i 5 trgova koji su pod zaštitom UNESCO-a zajedno sa četiri tvrđave. U šetnji kroz Havanu upoznajemo se sa arhitekturom, lokalnim načinom života Kubanca i ulicama Havane. Nastavljamo ulicom Obispo, najpoznatijom ulicom u Havani, gdje ćemo imati priliku da napravimo predah uz pravi kubanski sladoled u kokosu. Slikamo se sa kubancima i tompusima. Vrijeme je da se upoznamo i sa revolucijom, pa našu šetnju nastavljamo ka poznatom muzeju. Ispred muzeja imat ćemo priliku da vidimo brod Granma, gdje započinjemo priču o poznatim ličnostima Kube.

Priču o revoluciji nastavljamo na jednom od navedenih trgova na svijetu Trgu Revolucije do kog stižemo, kako drugačije nego, kabrioletima. Trg Revolucije krase najpoznatiji mural Che Gevare, gdje naravno pravimo pauzu za najljepše fotografije. Vožnja kabrioletima upotpunit će nam sliku Havane, jer nastavljamo dalje ka parku Almedares, poznatiji među kubancima kao šuma Havane, obilazimo ostale dijelove grada Vedado i Miramar. Obilazak ne bi bio potpun ukoliko ne bismo prošli kroz najljepšu, a ujedno i najbogatiju 5-tu aveniju. Malekonom, šetalištem uz more vraćamo se nazad, dok nam so, sunce i vjetar uljepšavaju sam doživljaj. Cijena uključuje: obilazak stare Havane, vodiča i vožnju kabrioletima

##### Las Terrazas

Cijena: 75,00 EUR

Ovaj fakultativni izlet započinjemo vožnjom do provincije Pinar del Río u kojoj se nalazi i mjesto Las Terrazas. Las Terrazas predstavlja jednu od prirodnih ljepota Kube, a ovo je područje UNESCO 1985. proglasio i rezervatom biosfere. Dolazak u Las Terrazas intenzivan je doživljaj jer ljudi i priroda ovdje postaju jedno. Po dolasku nas očekuje koktel dobrodošlice na ranču Curujey. Nakon toga slijedi posjeta plantaži kafe Buenavista. Ovo je djelomično obnovljena farma iz 19. stoljeća u kojoj imamo priliku naučiti više o historiji uzgoja kafe. Pješačkom turom glavnim ulicama zajednice stupamo u kontakt s toplim i gostoljubivim mještanima, a poslije ručka očekuje nas vrijeme za kupanje u kristalno čistim vodama rijeke San Juan, okružene zimzelenim šumama. Cijena izleta uključuje: prijevoz, lokalnog vodiča, ručak.

#### Varadero



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

#### Cijena: 75,00 EUR

Dvadeset kilometara puderastog bijelog pijeska i tirkizna plava boja mora učinile su da Varadero postane jedna od najpoznatijih plaža na Karibima. Upravo iz tog razloga se iz Havane upućujemo na jednodnevnu ekskurziju i odmor. Put do Varadera ćemo upotpuniti snorkelingom koji će nam omogućiti da se upoznamo sa morskim biodiverzitetom koji se nalazi na sjeveru Kube i da hranimo preko stotinu vrsta raznobojnih riba. Predivno tirkizno more na površini još je ljepše u dubini. Nakon završenog ronjenja idemo do pećine Saturno, pećina sa slatkom čistom vodom dubine i do 20 metara vrijedna je posjete na samom putu. Imat ćemo slobodnih sat vremena za kupanje, istraživanje i skakanje sa stijene u ovoj neobičnoj pećini. Odlazimo na plažu u Varaderu gdje jedino što nam preostaje je potpuni užitek. Cijela ekskurzija ne bi bila potpuna bez zalaska sunca i koktela koje možemo da uživamo na vidikovcu Bacunayagua gdje nam pogled krasi zelene Kraljevske palme i najviši most na Kubi.

Cijena izleta uključuje prevoz, snorkeling, ulaz u pećinu.

#### Hemingwayeva kuća i Playas del Este (Santa Maria)

##### Cijena: 45,00 EUR

Ernest Hemingway, slavni pisac XX vijeka, proveo je jedan dio svog života uživajući u svojoj kući nedaleko od Havane. Posjećujemo kuću gdje se upoznajemo sa njegovim zanimljivim životom. Da li ste znali da je imao preko 40 mačaka? Da je učestvovao u 4 rata? Da se groblje njegovih pasa nalazi baš na tom imanju? Nećemo Vam sve otkriti ali tačno je da je Hemingway bio interesantna ličnost i da je za sobom ostavio mnoga velika djela. U kući se nalazi i kolekcija njegovih knjiga, iz tog razloga u kuću ne može da se uđe, već su čitave prostorije vidljive sa vrata i prozora. Nakon toga odlazimo čuvenim kubanskim automobilima na kupanje u predivnim karipskim vodama. Plaže koje se prostiru na gotovo šest kilometara su popularne kako među turistima tako i među lokalcima. Idealno mjesto za odmor i uživanje na samo pola sata vožnje od Havane.

Cijena izleta uključuje: ulaznicu u muzej i transfere.

#### Guama-Caleta Buena

##### Cijena: 100,00 EUR

Odlazimo do ocharavajućeg parka prirode Zapata i za početak zaustavljamo se na farmi Fiesta Campesina gdje uživamo u divljini Kube. Nastavljamo putovanje do La Boce gdje posjećujemo farmu krokodila i slobodno vrijeme koristimo za kupovinu suvenira i ispijanje koktela. Vožnjom motornim čamcem do obližnjeg sela nastavljamo turu do prirodnog bazena Caleta Buena gdje nas očekuje ručak i otvoreni bar. Slobodno vrijeme možemo iskoristiti za ronjenje i uživanje u kubanskom ljetu. Ronjenje nije uključeno u cijenu i isto se dodatno doplaćuje.

Cijena izleta uključuje: transfer, vožnju brodom, lokalnog vodiča, ručak.

#### Vinales

##### Cijena: 75,00 EUR

Dolina Vinales poznata je po svom izvrednom kraškom pejzažu u kojem tradicionalne metode poljoprivrede, posebno duhana, ostaju nepromuhenjene i kao takva nalazi se pod zaštitom UNESCO-a. Čitava regija čuva svoju bogatu tradiciju u arhitekturi, u svojim zanatima i načinu života. Posjeta Vinalesu pomoći će nam da se bliže upoznamo sa ruralnom okolinom i predivom prirodom. Vinjales je ukrašen šarenolikim kućama, kao i *Mogota* planinama. Udaljen je od Havane 184 km te mi sam put upotpunjujemo na stajalištu *Las Barrigonas*, poznato po čuvenim *Trudnim palmama*. Posebna vrsta palme karakteristična samo za Kubu. Prva stanica u Vinalesu je svakako *Indijanska pećina*, koju obilazimo uz pomoć lokalnog vodiča. Na motornim čamcima razgledamo unutrašnjost pećine i fotografiramo predivni izlazak iz pećine i prirodu. Zajedno nastavljamo put ka poznatoj dolini duhana, gdje učimo kako se taj duhan obrađuje i sprema za pravljenje cigara. Posjećujemo lokalnu kuću, u kojoj nam domaćin pokazuje kako se motaju cigare, a mi sami imamo priliku da ih probamo. Ukoliko budemo željeli zajedno možemo da odemo u jedan od predivnih *paladara* i da probamo pravu seosku hranu. Na putu nazad do Havane, stajemo na vidikovcu odakle se najbolje vidi dolina Vinales i *Mogota* planine idealno mjesto za fotografije.

Cijena izleta uključuje prevoz, ulaznicu u pećinu, lokalnog vodiča i posjetu lokalnoj kući.

#### Smeštaj

##### Casas particulares

**Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.**

**Guesthouse ili Casa particulares** na Kubi je smještajni objekat koji se nalazi u posjedu kubanskih porodica. Namijenjen je turistima kojima komfor nije u prvom planu i koji bi željeli da dožive Kubu na autentičan način. Sobe su dvokrevetne. Najčešće, dvije dvokrevetne sobe dijele jedno kupatilo, ali postoji mogućnost da soba ima sopstveni T/WC. Smeštaj se nalazi su centru gradova koji se obilaze. Usluga je na bazi noćenja.

#### Prevoz

##### Avion

*Putnički avion* (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

##### Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

#### Mesta

##### Sarajevo

**Sarajevo** je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Evropi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

##### Istanbul

**Istanbul** kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti napsjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

#### Havana

**Havana** je glavni grad, najveća luka i vodeći trgovački centar Kube. Grad, jednu od 14 kubanskih provincija, nastanjuje 2,2 miliona stanovnika. Havana je tradicionalno bila poznata kao turistički centar svjetskog glasa, mjesto bogatog kulturno-historijskog-arhitektonskog naslijeđa i po tradicionalnoj proizvodnji duhanskih proizvoda i alkoholnih pića. Savremena Havana sjedište je kubanske vlade, više ministarstava, te poslovno središte.

#### Las Terrazas

Las Terrazas je mala zajednica i prirodni rezervat u općini Candelaria, pokrajina Artemisa, Kuba. Nalazi se u planinama Sierra del Rosario, koje je UNESCO 1984. proglasio rezervatom biosfere.

#### Varadero

Varadero je grad u provinciji Matanzas na Kubi i jedno od najvažnijih turističkih središta na Karibima. Varadero je najekskluzivnije ljetovalište na sjevernoj obali Kube, nalazi se na poluotoku Hicachos, 140 kilometara istočno od Havane. Varadero je prije svega poznat po 20 kilometara dugoj bijeloj pješčanoj plaži iz snova koja vas ne može ostaviti ravnodušnim. Ovo je jedno od najpopularnijih mjesta na Kubi i osim što je dom prekrasnim pješčanim uvalama, područje je prepuno golf terena, hotela i restorana.

#### Vinales

Dolina Viñales (španjolski: *Valle de Viñales*) je krška depresija u gorju *Sierra de los Organos*, odmah sjeverno od grada Viñalesa u kubanskoj pokrajini Pinar del Río.

Ovo područje površine 132 km<sup>2</sup> je okruženo planinama i ispunjeno mnogim dramatičnim vapnenačkim stijenama (*mogotes*) koje izviru iz tla do 300 m visine. Tu su i brojne špilje u kojima se nalaze fosili amonita. Na okolnim brdima vegetacija je obilježena lokalnim endemskim vrstama, kao što su palme *Gaussia princeps* i *Microcycas calocoma*, živi fosil cvjetonosne flore. Od endemskih životinja tu se mogu pronaći pčelji kolibri (*Mellisuga helenae*), koji važi za najmanju pticu na svijetu, te kubanski trogon (*Priotelus temnurus*), kubanski todi (*Todus multicolor*).

#### Korisne informacije

##### Kuba

##### 1. OPŠTI PODACI

Kuba je ostrvska država u Centralnoj Americi. Glavni i najveći grad je Havana sa oko 2 miliona stanovnika dok čitava država ima 11 miliona stanovnika. Sa južne strane izlazi na Karipsko more dok na sjeveru izlazi na Meksički zaliv i Atlanski ocean. Po državnom uređenju Kuba je republika.

**Površina zemlje:** 109,884 km<sup>2</sup>

**Broj stanovnika:** 11 miliona

**Glavni grad:** Havana

**Nacionalnost:** Kubanci

**Zvanični jezik:** španski

**Vjeroispovijest:** zvanično ateistička država, ali oko 60% katolici, oko 20% tradicionalne religije

**Nezavisnost:** 20.05.1902.

##### 2. VIZA

Za državljanje BiH je potrebna viza/turistička kartica. Agencija posreduje u izdavanju turističke kartice.

##### 3. VREMENSKA ZONA

Vremenska zona je **UTC -5**.

##### 4. KLIMA

Na Kubi vlada tropska klima. Prosječna godišnja temperatura je 25°C, u januaru prosječna temperatura je 21°C dok je u julu prosječna temperatura 27°C. Period od novembra do aprila je sušni period godine, dok je period od maja do oktobra kišni. U septembru i oktobru povremeno se javljaju uragani. Takođe Kubu odlikuje visoka vlažnost vazduha.

##### 5. HRANA

Kuhinja na Kubi se bazira prije svega na ribljim specijalitetima i morski plodovima, ali su isto tako zastupljene i sve vrste mesa. Prilog koji ide uz gotovo svako jelo jeste riža, Moros y Cristianos tj. riža i crni grah. Nacionalno jelo je Ropa Vieja - govedina sa povrćem. Na Kubi postoji puno vrsta voća i povrća koje ne rastu u Evropi (gvajaba, ananas, malanga, juka...). Preporučuje se konzumiranje hrane isključivo iz restorana osim voća i povrća kojeg ima na pijacama. Cijene su kao i u Evropi (okvirno obrok između 10-15 eura). Bitno je napomenuti da se obavezno mora konzumirati flaširana voda!

##### 6. VAKCINE I ZDRAVSTVENA SITUACIJA

Vakcinacija nije neophodna za putnike koji putuju na Kubu, ali se savjetuje da se putnici individualno informišu sa svojim ljekarom. Poželjno je ponijeti lijekove za stomak



**Jungle Travel d.o.o.**  
Branilaca Sarajeva 20/II,  
71000 Sarajevo

PIB: 4202134850007  
MB:  
Broj licence:  
Tekući račun:

Telefon: 033 552-552  
E-mail: kontakt@jungletribe.ba  
Sajt: www.jungletribe.ba

(probiotike), ferveks ili neke lijekove za bolove i temperaturu, za svaki slučaj. Takođe, tamo ima komaraca, pa bi bilo dobro da ponesete i Autan kao i kreme za sunčanje. Sve ove preparate potrebno je ponijeti na Kubu jer tamo ne postoje veliki supermarketi i gotovo ih je nemoguće pronaći na samoj destinaciji.

## 7. OSIGURANJE

Za ulazak na Kubu neophodno je da kod sebe imate međunarodno zdravstveno osiguranje. Možete ga uzeti u bilo kojoj osiguravajućoj kući ili kod nas u agenciji do 5 dana pred put - Sarajevo osiguranje, do 30 000 eura ste osigurani.

## 8. BEZBJEDNOST

Situacija na Kubi je bezbjedna i stopa kriminala je jako niska. U svakom slučaju savjetuje se oprez od sitnih krađa i džeparenja u velikim gradovima i turističkim mjestima. Šetanje ulicom je slobodno i bez problema čak i u večernjim satima. Droga je ilegalna pojava i kao takva kažnjiva zakonom.

## 9. ODJEĆA

S obzirom na visoke temperature tokom cijele godine na put je potrebno ponijeti ljetnu odjeću. U zimskim mjesecima se preporučuje nošenje i nešto dugih rukava i nogavica za uveče. Preporučuje se da ponesete i neku stariju odjeću koju možete pokloniti vašim domaćinima na kraju putovanja. Ukoliko se odlučite i za izlet tracking do vodopada neophodno je ponijeti i udobne patike. Ponesite i šušure ili kačkete kao zaštitu od sunca.

## 10. NOVAC

Kuba je zemlja koja ima 2 valute - CUC tj. konvertibilni pezosi i CUP tj. pezosi ili moneta nacional. Vama će na putu trebati samo CUC i to je valuta koju dobijate kada u mjenjačnici mijenjate novac. Kurs iznosi 1 eur = 1,1 CUC. Novac možete mijenjati i u CUP ali tu valutu možete koristiti samo na pijaci u nekim manjim lokalnim radnjama, a odnos je 1 CUC = 23 CUP. Novac se mijenja u mjenjačnicama koje su državne tako da je kurs svuda identičan. Na put nosite eure s obzirom da su na dolare visoke provizije. Savjetuje se nošenje gotovine jer plaćanje karticama nije zastupljeno, a bankomati nisu uvijek u funkciji i nema ih na puno mjesta.

## 11. KOMUNIKACIJA

Naše mobilne mreže funkcionišu na Kubi. Što se tiče interneta on na određenim mestima (wi-fi parkovi, lobiji velikih hotela) ali se kartice za internet kupuju i okvirno koštaju 1h = 2 eura. Iz tog razloga ne preporučuje se nošenje laptopa s obzirom da konekcije nisu uvijek dobre. Takođe nije moguće kupiti kubansku karticu za mobilni telefon.

## 12. STRUJA

Potrebno je ponijeti adapter sa dva tanka ulaza.

## 12. TOPLA PREPORUKA

Kuba je jedna interesantna i vesela zemlja! Nigdje nećete vidjeti toliko nasmijanih ljudi spremnih da zaplešu svakog trenutka. Na Kubi ćete uživati u muzici, koktelima i plažama sa bijelim pijeskom. Ali pored toga imat ćete priliku da obiđete i ruralne dijelove Kube i da se upoznate sa načinima pravljenja čuvenih kubanskih cigara. Za one koji vole i malo aktivni odmor imat ćete priliku i da pješačite kroz prašume i da se kupate ispod samog vodopada. Kuba ima dosta toga da ponudi tako da ćete imati priliku i da odmorite i da istražujete!

### Važne napomene

#### Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine avio karata nemoguće je refundiranje istih i u tom slučaju važe uslovi avio kompanija.

- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/druugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

#### Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnim satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

#### Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

#### Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.